

石

匱

書

石渠書卷第一百六十函

明 鈕南張 岱著

高拱列傳

高拱字肅卿河南之新鄭人生而狀貌奇刻苦學問通經義務識大指為文不事詞藻而深重有氣力十七舉鄉試又十三年成進士改翰林院庶吉士授編修滿九載遷侍讀時穆宗為裕王開邸受經有簡及拱至進講輒反復辨析王頗目屬之又與其

卿近幸中貴人昵好亡間。時輔臣嚴嵩徐階內相猜若水火。拱往往其間。亡所見厚薄。嵩階亦以其在王邸。異日常得重。相與推挽之。以是亟推遷爲侍讀學士。以太常寺卿兼國子監祭酒。拜禮部左侍郎。尋進尚書。召入直。撰齋詞。賜飛魚服。遂與郭朴同入閣辦事。嵩既敗。階當國。李春芳等事階謹。側行低倖。若屬吏拱與朴皆階所薦引。顧於禮稍倨。兩人皆河南爲鄉曲。而拱以朴蚤貴。每事推之。朴念拱侍經裕邸。冀

得其力而人相與懷甚。階微聞之不悖。而拱以駮貴
而騎。每謂階大假言路。而非大臣體。言路亦聞之。都
給事中胡汝嘉者。與拱有嫌。伺拱益急。時拱未有子。
移家近西華門。日伺上書。寢則竊出。與女媵私。迨
暮而後進。又一日。上病甚。誤傳有未常。拱盡飲其
直舍。器服書籍歸。汝嘉以是為拱罪。露章劾之。且發
其他事類。上蹟不省。階批旨報聞。而拱辭辨疏上。
亦兩解而已。拱意階右之。謂汝嘉欲深文殺我。恨二

人切骨亡何。上崩、當大漸時、階念上英新類

高帝、獨齋熙土木不已、一時廷諍得罪者尚未牽復

歎自登極、詔發之夜、召門人張居正與謀、且遺詔草

不以語同列、質明、謁王請入臨畢、遂以詔草上、報可

詔下、朝野舉手相賀、至有喜極而慟者、同列皆悃

若失、而朴獨昌言於朝、謂華亭謗先帝可斬也、拱

亦相與度、和之、遂與階有隙、時汝嘉以祭典論、敕鄭

欽、胡維新、法常罰懲、是日朴主筆、乃曰、汝嘉小臣也

上南即位、敢越法、無人臣禮、宜削籍、階度朴、為拱報
讐、而傍觀拱、則已、怒目攘臂、不復言、命既下、諸給事
御史、謂汝嘉謫、出拱指、群上疏、攻之不已、拱患甚、欲
階撤旨杖責、階不從、一日方會食、拱忽謂階曰、拱嘗
中夜不寢、按劍而起者、數四矣、公在、先帝時、導之
為齋、詞以求媚、宮車晏駕、而一旦即陪之、今天結言
路、必逐其藩邸腹心之臣、何也、階愕窒良久曰、公悞
矣、夫言路口故多、我安能一一結之、又安能使之攻

公且我能結之、公獨不能結之、取我非倍、先帝欲
為先帝收人心、使恩自先帝出耳、公言我集

先帝為齋詞、用我罪、獨不記在禮部時、先帝以密

札問我、拱有疏願得効力於黜事、可許否、此札今尚

在、拱乃頰赤語塞、春芳等邀拱至階室謝罪、階出、即

堅卧引疾、拱亦引疾、上俱慰、留之、拱以登極恩、還

武英殿大學士、加少傅、拱先出理閣務、而給事御史

合就階第勸視事、其醜詆拱無所不極口、乃至白簡

無虛日、拱恨甚、乃擬階二子橫行事跡、授其門生御史齊康上之、階疏辨乞休、左都御史王廷等、交章請留階、而極論拱與齊康罪狀、上為誦齊康遠外、許拱養疾、使鴻臚卿宣諭、階始出視事、乃露郭朴所以私拱狀、於是言路移攻朴、亦不能安、久之引疾去、次年、階亦罷政歸、有山人邵樗朽者、以權譎縱游江淮間、先以一刺謁階曰、公欲復相乎、階曰、何謂也、曰、公不過二萬金而可復相、階不測所謂、力拒之、揖而

別曰、公不為相、則不能安、毋悔也。遂走謁拱、亦如前語。拱說其辨、與欽而深語曰、我故欲之、持家貧不能具、曰不必公金、所善者陳洪、得數行以謁洪、金可得也。時洪為大瑞、家資巨萬、携朽得拱書謁洪、許之。為畫策、謁司禮、果以隆慶六年起拱於家、使掌吏部。拱日桓馳至京、既陞、見免奏事、承旨仍奏預閣務。胡汝嘉方憂居、一日自恨死、而昔之右階為難者人、自危、拱乃使所知徧布腹心於言路、曰拱當洗心滌

下法司更議、旨優是其言、拱為人有才氣、議論蜂起、而性迫急、不能容物、有所忤、輒之立碑、拱既覘上意不悅於言路、遂用左右謀傳旨下吏部考察、拱乃簡同與拱為難者、盡斥之、以快宿憾、拱但不得遷於階、頗事搜索、會階有家僮徐寔者、以階在朝時、燕中有句蓮教相聚為奸、且若有異謀、其伍有告之徐寔者、階以屬矢、却尚書楊博、悉捕誅之、論寔功、得為錦衣衛百戶、頗橫燕中、至是拱使人告言寔罪、下獄煨

煉、俾引階為証、反妄殺、而不能就、止坐寔他事、死拱
蓋快、于是召齊康、起張齊、而階之卿人陳懿德者、
素不悅于階、自翰林謫、拱其座主也、擢為尚書司丞、
懿德乃與同門韓揖、程文、宋之韓、周美等、日為拱恫
喝、言階以數萬金、謀於中貴人、且起用矣、至曰、階使
刺客判公笑時、推筭階呈命、以媚拱、曰、階於法當
死、其救亦盡於今歲、而階之子前太常卿璠、與少
卿琨、貪鄙、嘗使其家人置私邸於燕市、皆可三萬金、

客乃為拱謀、階所藉以優起者、貲竭其貲、可無後憂、
乃因階之鄉人、漢陽守孫克弘、行候問、請為階所使、
捕其人、下司隸御史、使引郎中、僮奴、悉還而籍之、復
使給事中張博等、掄階三子、行巡按御史、逮起其門、
人前蘇州知府蔡國熙於家、為蘇松兵備、委以階父
子、而階之讐、復上書誣階父子事、併下撫按、悉以委
國熙、國熙乃窮治其事、且募能言階三子及家人事
者、有賞、于是階之故人子、前府同知袁福徵、諸生莫

是龍皆以微憾為謗書、籍陳懿德以投拱、事大開三
子皆就繫、僅階留耳、階家清瑗、不可底止、拱初起、強
自勵、人亦畏之、不敢輕昧納、而其弟為督府都事者、
依拱後第而居、于是歸棹等、乃數携壺榼往為小宴、
拱自問、或吏部歸、即過其第、見而悅曰、若等乃余愷、
吾不如也、因留酌、自是以為恒、乃各進其所私人拱
時且醉、曰、果飲之矣、以一琴板書而識之、次日除目
上矣、以是其所狎門生及客、皆驟富、門如市、或有所

恨於他給事御史至中樞警門而入拱出見之則陽
怒若氣不屬者曰某乃欲論吾師吾知而力止之
暫止耳故不可保也拱意且恐贊明即召文選即移
缺而出其人於外亦不更詳所錄以是中外益畏拱
臣測而拱最後時語客曰日用不給奈何其語聞
諸無賴以下賂納且齎集矣初司禮之首璫閹馮保
以次當進拱以舊日恩進用陳洪邵樗朽者又力為
洪寅緣洪故長御用者也例不當司禮而得之保恨

洪、周及拱、洪、周而力爲拱內主。然其人以不甚識書、
久之以忤旨罷。孟冲長尚暗者也。以割烹當上意、
拱復爲之。而保居次如故。其恨拱次骨。拱亦覺之。拱
故爲祭酒。張居正以中允兼司業。拱自負且相。則
常雄重。不爲經常貴人而器居正材。謂且勝我。居正
亦委心依拱。兩人惟相得。每夜語恒達。而拱不容於
階。居正爲之謀。得善歸。其後出居正亦與有令。後合
而傾其同類。且盡階。從周中上書拱。其辭哀。拱心動。

居正亦婉曲為解蔡國熙所具獄成其長子璵次子璣璣其少子璵家人之坐成者獲十餘人沒其田六萬畝於官御史聞之朝拱擬旨謂太重令改獄國熙聞而變色曰彼實我使我任怨而自為恩御史汪惟元上疏謂執政之臣不常為操切報恩仇尚寶卿劉喬庸議判益切給事中曾大楚抗章糾拱罪狀三人皆謫外拱疑居正與知又以其常與中貴人通而匿其事而叱之居正頰赤強笑謝罪拱淺人也。不復記。

而居正街拱深然絕不露拱以大筮言稍戢欽司禮
孟冲復忤旨出外保代之穆宗不豫尋大漸拱條
列即位數事上之頗周悉然大指使政歸內閣而不
旁落尋受其門下給事中御史為諸疏勅馮保時居
正當遣視陵地不出拱使所厚詣居正曰常與公共
立此不世功居正陽笑曰小事耳何足言不世功而
密遣人報保得為憐乃言於皇后貴妃曰拱欺太
子幼冲欲迎立其御周王以為功而已得聞公爵又

多布金於西宮之近侍，保言之皇后與貴妃皆錯愕。
保乃抑給事御史疏，不遽達，而擬旨逐洪保也。使：約居正入朝，居
臣入聽宣詔，拱衛謂逐洪保也。使：約居正入朝，居
正稱疾故徐：進至奉天門，中官出三宮詔，皆啓而
授鴻臚使宣，則逐拱：汗下如雨，伏不能起。居正傍
撫之，起使西史扶携出，以明晨就羸車出宣武門，居
正與高儀疏請留拱，不許。請給驛，許之。于是階事盡
解，三子皆復官。拱歸，意忽：不得自間，從古人飲，或

盛服擁與從。或束一腰。楚服馮策。或從數十餘騎。游獵項之。有奇裘人輕入。乾清宮門。馮保得之。置刃其袖。挾使稱拱。與陳洪謀。以千金。餌使行刺。時保兼領東廠。與朱希孝同獄。獄且成。保先使四緹騎馳詣新鄭。順指縣官。防拱逸。發卒圍拱第。家人悉竊其金寶。爲此散。拱欲自經。不得。乃出見緹騎。問將何爲。緹騎曰。非有逮也。恐驚公。而使慰之耳。拱稍。自安。居正初。欲重拱罪。既念非事體。乃徵風保。持不肯從。乃

復風希孝希孝行數萬金賄保用事且賂三宮左右
常再獻忽大雷電保懼乃盡反其辭而坐其人以聞
入宮門趣棄之市供以驚憂成疾後稍愈不復振舉
其家以卹典請為保傳旨謂供事先帝欺肆不忠
罷希予居正等請之始許復其官祭葬如例已復傳
旨止予半塋而仍列其通於祭祠先是其客邵樗朽
騎橫路燕中市官爵居間納賂且不貲拱亦厭而畏
其口乃偽為薦之而廣帥者官以犯總名色使拔金

緋、久則逐之、携朽益不檢、前後所得金、多費之、偶優
陸博、而所至、把持守令、長短大言無忌、後新鄭卒、江
陵當國、知其事、而惡之、屬巡撫張佳胤、捕置之獄、其
嫂語如前、而加甚、扶之百、不動、欲折其足、而不能、乃
教獄卒、使置於檻、以大椎、折之、携朽大歎、說曰、天
殺我耳、豈汝曹之能、至死不屈

石璽書曰、新鄭狠躁自用、屢中奇禍、亦是其性氣使
然、而華亭以一言不協、因成仇隙、兩虎相爭、遂無已

時乃新鄭再正揆席、魚肉華亭、政用自快、而又豈知
江陵之議其後乎、烟蜩在前、螳螂政好、愁集而黃、
之咏已先及其腹矣、仕途如此、可不畏哉、

石厝書卷第一百六十六

明 劄南張 岱著

張居正列傳

張居正號太嶽湖廣之江陵人少穎敏絕倫十五為諸生尚書顧璘撫楚行部試其文大奇之曰此國器也解所繫犀帶以贈且曰若異時當共玉此不足久涸也登進士高第改翰林院庶吉士是時諸進士多談詩為古文以兩京開元相砥礪而居正夷然不屑

也。滿求國家典故與政務之要切者，裏之而時；稱
老易以爲能得其用，諸老如徐階輩皆器重其人，相
推許，遂得授編修，居正爲人頌而爲眉目美鬚：幾
至腹沈，深有城府，莫能測也。時嚴嵩爲首輔，忌徐階
諸善階者，皆避匿，而居正行意自如。嘗考會試，其門
生自喜客於嵩，能得嵩意，居正衆斥之曰：「李樹不代
桃僵耶？」亟去。母喪，吾門衆稍莊憚之。嵩顧亦稱居正
父之還，右春坊右中允領國子司業事，居正待諸生

嚴亡所寬假獨與蔡洵高拱善相期以相業運理坊
事遷侍裕邸構璫王頗賢之邸中貴人亦無不歸
居正首而李芳教從問蓄義頗及天下事尋進右諭
德兼侍讀預校永樂大典復預修典郡志進侍讀學
士領院事徐階代高首輔每事多引以共謀尋遷禮
部右侍郎兼學士月餘為吏部右侍郎兼東閣大學
士充世宗寔錄總裁至秋進禮部尚書兼武英殿
加少保去學士之五品僅歲餘而至一品其全進之

連雖張挂不能通也。時年僅四十三。當居正之進閣。
閣臣凡七人。徐階最爲老宿。與李春芳皆好折節禮
賢。郭朴陳以勑皆重厚長者。獨高拱狠躁。而以不得
志於言路稍絀。尋引去。居正最後升。獨謂輔相體當
尊重。於朝堂僭見九卿。他亦無所延納。而間出一語。
輒中的人。是以愈畏憚之。重於他相矣。徐階既去位。
春芳代居正意。抑視之以爲不足與有爲。趙貞吉居
居正下。然自負長策。呼居正張子。有所語朝事。則曰。

嘆非而少年輩所解居正內恨之與中貴人李芳輩
謀召用高拱保領吏部計以扼負吉而奪春芳政拱
至益與居正善當是時天子頗好游而重武居正
上疏言六事其一曰飭武備則欲上修祖宗大閱
故事張璠六師飭賜校肄旌別技勇汰易老弱疏上
議行居正以善筆札諸公有奏勿疏草多委之如敕
給事石星御史屠仰庀停取戶部金三十萬請星太
子出閣講學草皆出居正而同列李春芳陳以勤趙

貞吉穀士儋之見逐雖發之自高拱其機發于居正
居正故所獨厚者中貴李芳一日言官有忤旨當懲
者春芳頷曰當何處居正遽曰不過示責而貸之耳
春芳具如居正語而居正以片紙使小吏投司禮曰
此人狂妄即上貸之恐有繼言者須詢罰芳請於
上改停三月俸春芳詞得之恨居正而不敢發後諸
閣臣去且盡獨居正與高拱在兩人相得益壽北園
請入貢通互市亦惟居正贊之初以滿三載加柱國

進太子太傅、再以六年滿、加少傅、進建極殿大學士、
遼東戰功、加太子太師、和帝成、又加少師、徐階居正
受業知己也、以忤拱喉言路、攻擊必欲殺之、階三子
下撫、按置獄、事益急、階求赦於居正、居正從容為拱
言階一旦、臣測公負薄僚、友名拱、稍心動、而居正復
為撫、按居間、得稍緩拱之客、乃構於拱、謂居正納階
子三萬金賄拱、心銜之、一日言及居正多子、乃捫曰、
造物不均、而公獨多子也、居正曰、多子多累、願為衣

食憂拱忽正色曰公有徐氏三萬金何憂衣食也居正色變指天而誓辭甚苦拱徐曰外人言之我何知以故兩目疑而拱之客謂間可乘也日稍以居正過問拱都給事中宋之韓具疏且論居正草成居正知之走見拱或氣言曰公不念香火盟恩遂我耶拱錯愕出不意曰誰敢論公者居正曰公之門人宋之韓已具草矣拱曰亟呼而止之居正曰公發之安能止之拱曰請出之外以明我心晨八部以某省恭政

補之韓而疑居正益甚拱又前後薦其所善中貴人
陳洪孟冲炳司禮而抑馮保保銜之時尚寶卿劉喬
庸給事中曹大埜皆所論拱獲罪或云居正寔使之
或云獨大埜受之馮保莫能明也 上一日南視朝
忽馳而下且躡于陛間第云國有長君社稷之福語
不了居正與拱趨而掖之起還宮即不豫者月餘
群臣日詣閣問安 上方卧蹶然興肩與至內閣居
正與拱驚出俯伏 上撫之起而行拱臂仰天氣逆

結人之始云。祖宗法壞且盡奈何亦復不了。而持拱袂步且至乾清宮門始復謂第還閣別有諭明日寂然而居正察知。上有不測為處分十餘條。札封授馮保。即有報拱者。急使迹之。則已入笑拱亦不知為何語。第恚甚。至閣詰居正曰。昨審封之為何。天下事不以屬我曹。而屬之內監何也。居正面發赤。不能答。徐而曰。吾日與飲食通公安能一切瞰我拱淺謂寔然不復置臆而。上崩拱與居正具遺詔草拱

復自草以聞、凡數事、皆欲敘司禮權歸內閣、馮保銜
之、拱復族所善言官四五人、別疏論保、謂必下拱擬
旨逐之、而居正陰與保謀取兩宮旨逐拱、狼背去
上御平臺召居正論曰、父聖昔在御日、嘗一再聆
德音、謂先生忠而高、拱邪先生幸自愛、悉心見輔居
正頌旨泣謝、謂國務在遵守、祖宗舊制不必紛更
至講學親賢、愛民節用、又居正道所先、上曰善、時
上冲初虛己委居正、居正既得國、亦慨然以天下為

已任中外想望丰采。既已大計，廷臣於拱私黨多所
屏然，而他不職者亦稱是。復具詔草請於上。上召
群臣廷訪之。百僚悚息，聞經筵為知經筵事。修世
廟寔錄為總裁。尋加左柱國、兼中樞殿大學士。上疏
三辭不許，賜白金文幣，優力辭前命，乃許之。居正為
政，大約以尊主權、課吏、信賞罰一號令萬里之外。
朝下夕奉行，如疾雷迅風，方快意。居恒謂高皇帝
真得聖之威者也。世宗能識其意，是以高坐法宮。

之中朝委喪而天下不亂今上世宗孫也奈何不法祖時然國公朝弼教犯法當違朝議難之以爲朝弼綱紀之卒且萬人不易違恐失諸夷心居正懼用其子而馳單使縛之卒不敢動既至請於上貸其死而歸之南京居正日侍講帷幄請上御日講三日一出視朝初以寒暑小故罷居正在文華殿後東偏張小帷造膝密語上有所欲言正字官即避出言畢方入居正在直廬偶感病上御煖閣調椒湯

賜之、或看御講、上先就居正立處、令內使搖扇、殿
角試其涼暄、隆冬、詔以纁絺敷鋪地、恐其足寒、隆禮
若此、尋以六載滿、加特進中樞殿大學士、是年為居
正建第江陵、名其堂曰純忠、左曰社稷之臣、右曰股
肱之佐、名其樓曰捧日、皆御筆大書而出、內帑千金
為資費、凡三載而成、南京給事中余懋學疏請行寬
大之政、居正以為風已奪職、御史傅應禎繼言之尤
切、然不敢有所慢于居正也、居正以經筵進講畢、訴

於上謂此曹欽市國恩收召朋黨以便奸縱私下錦
衣逮欽而戍之給事中徐貞明等坐就獄且索贖亦
逮謫外御史劉臺居正所取士也居頗近教刺得陰
事而惡之抗章極論其點橫居正怒甚見上俯伏
而泣不肯起上為下御座手掖之曰先生起吾為
遷臺覓其微以慰先生臺至下詔獄上命杖百遠
戍之時物論頗謂居正不自安具疏為辭得不杖
奪職還里客有賀居正者曰公真宰相度哉居正笑

顏曰、不過宰相事耳、古人殆不然、蓋以輕處為未
嫌也、亡何吏部左侍郎張四維入閣、故事入內閣者
曰、同某人等辦事、至是直曰、隨着元輔辦事、不款夷
之僚佐也、於是四維恟、若屬吏笑、五年丁丑廷試
居正子嗣修次名二甲第一既進御、上啓姓名、後
置一甲第二、謂居正曰、以報先生功、上罷、過已極、
而居正時作偈、悔一日、上在經筵、讀論語色勃如
也、操北音、作背居正、忽從旁厲聲曰、當作勃矣、上

悚然而驚、同列皆失色、見者謂居正有恭乘之萌、而
不自覺也、居正天質刻薄、好申韓法、以智術取、下、而
士大夫之險惡者、爭投其意、九事操切、天下怨之、一
日奉聖母慈旨、諭閣臣以今歲大善、暫免行刑、居正
執奏不可、上曰、聖母奉佛、故不忍耳、居正對曰、佛
氏所稱地獄、刀山、劍樹、剉燒、舂磨、其慘更甚於行刑、
上大笑、諭勿傳、其殘忍類此、滿九載、不上考、請罷、溫
旨慰諭、陰賞甚厚、未幾其父封少師、文明卒、上遣

中貴人慰問起止視粥藥止哭絡繹道路三宮時贈
有加上如恩居正雖踰於他相然未嘗有意留之
同年戶部侍郎李幼孜等倡諛辭謂上冲年不能
親萬幾不可一日無相公遂以奪情之說進居正惑
之乃陽上書乞守制而露意馮保使用留之時識者
皆以為非然而不敢煩言之王錫爵與其僚張位趙
志皋吳中行趙用賢習孔教沈懋學輩皆以為不可
懋學移書幼孜責使諫止幼孜唯而已用賢不能

平約中行具疏請教居正歸除服而後用之刑部員
外郎父楊主事沈思孝繼之且傍利及居正他事疏
上留中馮保蓋欲取居正指擬加重辟王錫爵往質
喪所持辭頗峻居正勃然且拜且曰上強留我而
諸子力逐我我何以處使有尺必在我且自到矣錫
爵出進士郭元標者復上章極言居正以元宰而育
教人倫何以帥表天下且其人非能以仁義輔人主
不過智力把持耳用之何所利前是上已下旨廷

杖携恩孝八十、謫遠戍、用賢中行六十、為編氓、而元
標、袖疏草入左掖門、觀諸臣死、縛血面中、不為懺、疏
上而中外壯之、得旨杖戍、如張恩孝皆瀕絕而蘇、時
羣星從東南方起、長亘天、人情洵、人不曉有奪情
事、創起而諸言者皆得罪、以為居正寔應之、銜議
卷、適至作謗書懸之、而長安通道、謂居正且反、居正
不得已、乃草詔戒勵群臣、諭所以留居正而罪言者
意、再反之、必誅無赦、馮保為請於上、宣之朝、諫稍

思於是使居正子編修嗣修與司禮大瑞魏朝侍傳
往代司喪而禮部主事曹誥治祭工部主事徐應騭
治葬居正請不造朝以素服角帶入閣理政及侍經
筵講讀又請辭歲俸上許之而日給計直反踰於
常俸始居正自矯飾雖不能無任情而英敏善斷抑
園憚霍謏之者以爲有規相姚元之風居正亦雅自
負不世出自爲劉臺等所適志意恍惚至是始知天
下之不見與思以權劫之益無所顧忌前成化朝李

賢奪情。雖倫疏非之。居正復有是舉。薦紳先生傳錄
倫疏。然幾貴居正。知之。恨曰。雖倫小豎子。何所知。其
書當抵廁中。亡何。上舉大婚禮。故事。諸授冊遣聘。
皆勲臣主之。而有輔為副使。居正以有服。不當與。慈
聖亦疑之。使中貴人問居正。恐難易。吉居正。監其事。
乃曰。后為天下母。國之大事。孰有重者。且居正受
上恩厚。即令之赴湯火。不辭。新即暫時吉乎。於是居
正遂被紫纁玉。以從事。九十餘日。始給事中李涑疏。

謂使居正不服吉、不可以將禮、將禮而服吉、恐非
上所以處居正、與居正所以自處、夫吉禮非今輩比
也、閣部大臣皆可使、不止一居正也、上苟惜居正
幸更之、居正雖甚惡、冰以其辭直、姑切責而付吏部
處之、大婚禮成、閣臣第有賞而無遷、科居正知馮保
諸中貴之欲得之也、思以為恩、市呂調陽及馮保等
皆加秩脩叙、而身力辭之以釣奇、先是、上所賜札
稱元輔、或稱先生、至是始無稱元輔、張少師先生、侍

以師禮而居正有奏謝亦自居為帝者師且引贊拜
不名之禮隱然無蕭何子房而有之人謂居正傲於
上而卑於馮保即陳壽所不論也居正見人情已定
乃始乞歸葬再疏始允以三月為期葬畢即上道範
白金為印記曰帝眷忠良如先朝楊士奇張寧敬例
得奉封言事上咸問臣呂調陽等有大事毋得責
決仍馳驛之江陵聽先生處分瀕行復請見於平臺
上撫諭之曰朕不能捨先生恐重傷先生懷是忍而

凡所請雖然國家事重朕將何所倚居正乃勸上
以大婚之後宜得節愛養留心萬幾因伏地哭上
亦為之墮淚為居正奏辭慈寧宮里太后復厚賜之
出國門遣中貴張宏供帳郊外以饒百官皆班送於
是所經繇有司飭厨傳治道路然意居正奔喪或恭
用凶禮則歸曰雖拿幘執事與臺胥隸之徒皆具素
服以俟而居正以違將所饋遺兵器羅列禁衛千官
百騎前後部鼓吹光彩耀目於是復里恐更易贈彩

一新。前是居正父初死。巡撫都御史陳瑞。癸丑所取士也。馳至江陵。解紗帽。出麻冕。戴之。已復加經伏哭。盡哀。畢。則請見太夫人。太夫人不出。跪于庭。良久。太夫人出。復伏哭前。竭致慇。乃坐。太夫人傍。有小閤侍。居正所私留以役者也。太夫人跪而謂陳君。幸一瞻。陳之。瑞起立。揖。問曰。陳瑞安能為公。重如公。乃能重陳瑞耳。公。者。中貴之尊稱。臧獲見而呼者也。太夫人為之啓顏。至是。陳瑞已遷刑部右侍郎。復與

鄖陽都御史徐學詩及司道守令畢集會墓。賻遺不
可勝計。有同年御史劉業者罷久矣。與居正故善。來
會墓至墓所。自述二堪與言。密語居正。吾相地多。毋
踰於此者。是且有天子氣。居正懼。掩耳起之去。既墓
畢。兵部副使與分守聞帥約請居正。閱操用大帥禮。
居正欣然許之。改服。上所賜蟒緹以御禮成大出
其金帛。勞使加等。時遼東績奏大捷。上優歸功居
正使。馳諭俾定爵賞。居正為條列以聞。上疏以母

老不能冒炎暑請俟秋涼後上道於是內閣西都部
院卿寺給事御史俱上章請促居正亟還朝上遣
錦衣衛官馳傳往迎令中貴人侍太夫人以秋日取
江路上前所經繇蒲泉守巡迓而跪者十之五六居
正意未慊檄使持庭參吏部尚書禮至是無不長跪
者矣臺使越界趨迎畢即身為前驅約束吏卒干取
餽厨傳居正所坐步輦則真定守錢普所創前為重
軒後寢室以便偃息傍翼西廡各一鹿童侍立為

揮簋炷香几用卒三十二昇之州邑郵牙盤上食水
陸通百品居正不易下箸而真定守無錫人獨能為
吳饌居正甘之曰吾行路至此僅得一飽餐語間吳
中之善為庖者召募殆盡道經聚王出候折簡要居
正宴會與人臣雖貴極公候謁王執臣禮居正不款
辭不入王強而後可於是直入至便殿具賓主而出
三者之有北面自襄王與居正始過南陽唐王亦如
之諸撫臣爭相競以異禮待居正而獨保定之孟重

為甚、雖同事者亦羞稱之。居正入、則孟重以兵部侍郎起佐京營大帥矣。居正既過、良卿抵部、外詔遣中貴宴勞、百僚復班迎。以次日質明入朝。上延之平臺、慰勞懇篤、且詢以途路所見。歲計物情、與北南哀敗之狀。良久、乃予假休沐十日、而後入閣。當居正之歸日、巡按御史趙應元以候代襄陽、不及會、恐獲罪、上書移病歸。陳炯論亂、應元斥為民戶部員外郎。王用汲疏、炯阿附權臣、其辭峻、詔奪用汲官。及秋中、

貴奉太夫人所經繚游步皆設席至張綵幔徐州兵
備副使林紹至身雖挽船卒中為之渠獲將抵京
上遣司禮郊迎結騎隊鳴鼓角列旌幟橫穿御道而
過觀者如堵上與兩宮慰諭居正母子殺用家人
禮所賜之隆盛前此未之有也居正權傾天下其所
用要路非其私人即其門下士於是六曹科道咸傾
心事居正雖對妻子床第及酒醉夢嚙無不稱居正
賢者其始士大夫之諛以伊周漸謂常談則直進之

舜禹而后正亦恬然不以為駭至中允高啓愚試士
遂以舜亦以命禹為題議者嚙指以啓愚為勸進矣
居正服除上宣召手敕元輔張少師先生忠孝兩
全今制服已滿朕心嘉慰使中貴人張宏引見仁聖
慈聖兩太后慰使尤至甫就職吏部舉居正守制歲
月為之請十二年考滿加恩復再辭詔言卿之所處
恩義兩全足以垂範萬世特允所請以全卿忠孝大
節至於卿之勛勞簡在朕心當別有酬酢時復當會

試居正二子懋修敬修俱登高第居正庵上謁諸
陵歸即具疏乞休中云拜手稽首歸政則德然復于
明碑凡再上而天子慰留懇切最後手書稱懋聖
口諭張先生親受先帝付託豈忍言去俟補爾歲
至三十而後商處先生母後與此念居正乃出而懋
修即狀元及第矣敬修得禮部主事懋修嗣修共列
史館每出則衆相指而詛或作俚諺齋而粘之宮牆
居正門下客王象曾省吾等橋橫日甚南北給事御

史傳作冊王蔚秦耀李遂朱建顧爾行等爲之牙爪
而作冊建尤惡肆向京兵部主事趙世卿抗疏言時
政陰詆居正居正怒欲逮之吏部尚書王國光曰逮
之是成其名也國光請爲公任怨乃出世卿爲藩國
長史尋以大察去之先是論居正者穆思孝元標等
已遠成國光皆中以考察之例杜其再用劉臺復以
他事陷之成尋賜殺之吏部又以十二載考最請加
上柱國太傅吏部爵俸疏辭上柱國及伯爵俸直受

太傅明興文臣無真拜三公者。謂居正當力辭。至是皆驚。恠以爲且封公侯。如九錫。而居正亦益汰。毋論六卿。其視閭臣張四維等。若不啻與稱家者。四維等事之益謹。無幾居正遂已得病。日羸削。上時下諭問疾。大出金帛。以爲醫藥資。凡四閱月。竟不愈。而自六卿大臣翰林言路部曹。下至官吏冗散。無不設醢祠廟。爲居正祈禱者。居正深居不出。款使知之。則賂其家人以達。取一啓齒而已。上始令四維等理

石廬書

卷五十五

張居正列傳

大鳳齋

閣中細務而大事猶即家令居正平章居正始猶自
力其後愈甚不能起閣然而不使四維等恭之一日
四維時行往候問居正厲聲曰我病當歸卻元標可
起用矣四維答曰誰敢用之踉蹌而出遶東復以大
捷聞居正遂進太師居正病益欲不可為乃疏乞歸
上復加優詔慰留稱爲太師張太嶽先生居正度不
起而上使人問可次入閣者居正厲滿歲梁夢龍
余有丁許國陳經邦復薦徐學謨曾省吾張學顏王

家皆可大用而指王錫爵為奸邪上為黏之御屏
居正待其子弟嚴每三五日入問安領之而已不交
一言以觀羸甚患人見之卧惟中至明不用聲家人
恠而發焉則氣絕矣訃聞上愴悼報朝賜祭九壇
復增七壇贈上柱國謚文忠遣營葬遣官護喪歸里
喪輿輜重凡七十餘艘用夫三千餘人前後十餘里
不絕居正卒後馮保益恣肆先是上所幸中貴張
誠者見患馮保上不得已斥之外而使客詞保所

為及居正至是誠復入悉以兩家交結恣橫狀聞且
謂其珍玩寶藏踰於天府上心動保又止上即
天及選婚事得罪左右沒言保過罪其與四維善者
泄之四維遂以屬其門人御史李植使極論保請遣
法事上遂執保安置南京而籍其家保金銀百餘
萬兩珠寶玩異以萬計他宅舍田產器用稱是內藏
為充極上益心艷居正款其贏積益不可計外頗
風聞而新進給事御史遂以攻擊居正為奇有論劾

其三子躋取上第者悉削籍爲編氓御史楊四知發
居正罪惡語頗峻于是始奪上柱國太師再奪謚而
王篆曾省吾朱璉陳瑞輩毋不斥削朝班一空吳中
行趙用賢等皆召悉官有差劉臺贈光祿少卿還其
產御史羊可立復追論居正且謂居正以私嫌成達
庶人憲卿故達庶人之妃因上疏辨寃且曰庶人之
庫金寶萬計悉入居正府上喜以可立籍居正乃
命司禮監張誠及刑部侍郎立檄往籍其家併勘故

構王憲卿事張誠等行居正諸子焚毀其奇貨禁物而剝州守令以御史意先期錄其人口其子女遁避空室者不及發已錮其門則斃死者十餘人皆為犬所殘食而盡發其諸子兄弟藏得黃金將萬兩白金十餘萬兩其長子敬修不勝刑自誣伏寄三十萬金於曾省吾王篆傳作冊等然盡其產不能十之三懋修自縊死家人亦有從死者事聞申時行等與六卿大臣合疏請小緩之于是詔留田千畝以贍其母省

吾等追寃亦稍緩御史丁此召復追論科場事謂高
啓愚以奔馬題為婿居正策禪受奪啓愚職焚其告
身其機言官復攻居正不已教法司盡削居正官籍
奪所賜璽書誥命以罪狀示天下謂當剗棺戮屍而
姑免之其弟都指揮居易子嗣修俱發戍瘴地

石璽書曰江陵有相才無相量其狼飭紀綱駕馭中
貴神宗方冲幼十年之間蓋亦賴之第其生平學
尚中歸而內又多慈自奪情以後益與正士為讐日

引群小橫行胸臆一切務為苛刻聚歛海內人心洶
洶思亂至死不悔可哀也哉